

establecido no artigo 101 do texto refundido da Lei xeral orzamentaria.

Artigo 3. *Autorización para amplia-lo crédito extraordinario.*

Autorízase o ministro de Facenda a amplia-lo crédito que se concede, na cantidade necesaria para aboa-lo exceso de xuros que se produzan ata a data en que se realice o pagamento.

Disposición derradeira única. *Entrada en vigor.*

Esta lei entrará en vigor o día seguinte ó da súa publicación no «Boletín Oficial del Estado».

Por tanto,
Mando a tódolos españois, particulares e autoridades, que cumbran e fagan cumprir esta lei.

Madrid, 24 de abril de 2002.

JUAN CARLOS R.

O presidente do Goberno,
JOSÉ MARÍA AZNAR LÓPEZ

7896 *LEI 8/2002, do 24 de abril, sobre concesión dun crédito extraordinario por importe de 66.055.348,82 euros, para atende-lo pagamento de obrigas coa Organización das Nacións Unidas por operacións de mantemento da paz, correspondentes a exercicios anteriores.* («BOE» 99, do 25-4-2002.)

JUAN CARLOS I

REI DE ESPAÑA

Saiban tódolos que a viren e a entenderen que as Cortes Xerais aprobaron e eu sanciono a seguinte lei.

EXPOSICIÓN DE MOTIVOS

O artigo 43 da Carta das Nacións Unidas sinala que «tódolos membros das Nacións Unidas, co fin de contribuíren ó mantemento da paz e da seguridade internacionais, se comprometen a pór ó dispor do Consello de Seguridade, cando este o solicite (...) as forzas armadas, a axuda e as facilidades (...) que sexan necesarias para o propósito de mante-la paz e a seguridade internacionais».

Así mesmo, o artigo 17.2 da Carta di que «Os membros sufragarán os gastos da organización na proporción que determine a Asemblea Xeral».

Entre estes gastos atópanse aqueles ocasionados por operacións de mantemento da paz (OMP) das Nacións Unidas. Deste modo, para España, como membro da organización, o pagamento destes gastos constitúe unha obriga financeira básica.

A Resolución 55/235 de Nacións Unidas, do 22 de decembro de 2000, estableceu unha nova escala de contribucións ás OMP cunha duración de nove anos e que substitúe a anterior que estivo vixente durante vinsete anos.

Esta nova escala supón para España contribuír ó orzamento de OMP nunha proporción exactamente igual á que o fai ó orzamento xeral da organización. Así, pola Resolución 55/5, do 22 de decembro de 2000, a cota obrigatoria de España tanto ó orzamento xeral da organización como ó orzamento das OMP suporá en 2001 o 2,534 por 100 do total dos devanditos orzamentos; en 2002, o 2,539 por 100 e en 2003, o 2,519 por 100. No caso do ano 2000, a porcentaxe de participación

de España foi do 2,591 por 100, tal como se recollía na Resolución 52/215, do 22 de decembro de 1997.

Mentres que o importe total dos gastos do orzamento xeral é coñecido a priori, non sucede o mesmo no caso do orzamento de OMP pola natureza cambiante e imprevisible do tipo de crises políticas e de situacións de emerxencia que xustifican a aprobación, por parte do Consello de Seguridade, dunha operación de mantemento da paz.

Isto supuxo que durante os anos 2000 e 2001 quedaran cotas sen atender para a cobertura das cales se tramita este crédito extraordinario, de acordo co Consello de Estado, logo de informe favorable da Dirección Xeral de Orzamentos.

Artigo 1. *Concesión dun crédito extraordinario.*

Concédesse un crédito extraordinario por importe de 66.055.348,82 euros á sección 12 «Ministerio de Asuntos Exteriores», servicio 01 «Ministerio, Subsecretaría e servicios xerais», programa 132A «Acción do Estado no Exterior», capítulo 4 «Transferencias correntes», artigo 49 «O exterior», concepto 495 «Participación en organismos internacionais. Operacións de mantemento da paz de Nacións Unidas. Obrigas de exercicios anteriores».

Artigo 2. *Financiamento do crédito extraordinario.*

O crédito extraordinario a que se refire o artigo anterior financiarase con débeda pública, de acordo co establecido no artigo 101 do texto refundido da Lei xeral orzamentaria, aprobado polo Real decreto lexislativo 1091/1988, do 23 de setembro.

Disposición derradeira única. *Entrada en vigor.*

Esta lei entrará en vigor o día seguinte ó da súa publicación no «Boletín Oficial del Estado».

Por tanto,
Mando a tódolos españois, particulares e autoridades, que cumbran e fagan cumprir esta lei.

Madrid, 24 de abril de 2002.

JUAN CARLOS R.

O presidente do Goberno,
JOSÉ MARÍA AZNAR LÓPEZ

7897 *LEI 9/2002, do 24 de abril, sobre concesión dun crédito extraordinario por importe de 26.087.101,17 euros, para o pagamento de sentencias derivadas da responsabilidade patrimonial do Estado lexislador polo gravame complementario da taxa do xogo, establecido no ano 1990.* («BOE» 99, do 25-4-2002.)

JUAN CARLOS I

REI DE ESPAÑA

Saiban tódolos que a viren e a entenderen que as Cortes Xerais aprobaron e eu sanciono a seguinte lei.

EXPOSICIÓN DE MOTIVOS

A Lei 5/1990, do 29 de xuño, de medidas urxentes en materia orzamentaria, financeira e tributaria, no seu artigo 38.Dous.2), creou un gravame complementario da taxa fiscal que grava os xogos de sorte, envite ou azar, o que supuxo 133.250 pesetas (800,85 euros)

para as máquinas tipo B ou recreativas con premio, e diversas cantidades para as máquinas tipo C.

Algúns particulares aboaron as cantidades correspondentes ás respectivas comunidades autónomas, ás que en 1990 xa se transferira a taxa sobre o xogo, en virtude da Lei 30/1983, do 28 de decembro, de cesión de tributos do Estado ás comunidades autónomas, así como en virtude de leis de alcance e condicións da cesión e reais decretos sobre entrada en vigor da cesión. Estas comunidades autónomas eran todas, agás Madrid, Baleares, Cantabria, Ceuta e Melilla.

Posteriormente, o Tribunal Constitucional, con motivo de varias cuestións de inconstitucionalidade de 1993 e 1994, en sentenza 173/1996, do 31 de outubro, por vulneración do principio de seguridade xurídica, declarou inconstitucional e nulo o artigo 38.Dous.2), da Lei 5/1990, do 29 de xuño.

Deste modo, dictáronse diversas sentencias polo Tribunal Supremo que estiman parcialmente os recursos formulados polos particulares e que declaran o dereito dos recorrentes a percibir da Administración do Estado, en concepto de responsabilidade patrimonial por actos legislativos, diversas sumas de diñeiro, que alcanzan un total de 26.087.101,17 euros.

Para atende-las obrigas derivadas das sentencias xudiciais firmes polas que se estiman parcialmente os recursos dos particulares e se condena a Administración do Estado, en concepto de responsabilidade patrimonial por acto legislativo, a indemniza-los particulares recorrentes nas cantidades debidamente ingresadas en concepto de gravame complementario sobre as taxas do xogo, así como nos correspondentes xuros, tramítase o presente crédito extraordinario, de acordo co Consello de Estado, logo de informe favorable da Dirección Xeral de Orzamentos.

Artigo 1. *Concesión dun crédito extraordinario.*

Concédesse un crédito extraordinario por importe de 26.087.101,17 euros á sección 15 «Ministerio de Facenda», servizo 05 «Secretaría de Estado de Facenda», programa 611A «Dirección e Servizos Xerais de Economía e Facenda», capítulo 4 «Transferencias correntes», artigo 47 «A empresas privadas», concepto 471 «Para o pagamento de sentencias derivadas da responsabilidade patrimonial do Estado legislador polo gravame complementario da taxa do xogo, establecida en 1990».

Artigo 2. *Financiamento do crédito extraordinario.*

O crédito extraordinario a que se refire o artigo anterior financiarase con débeda pública, de acordo co establecido no artigo 101 do texto refundido da Lei xeral orzamentaria, aprobado polo Real decreto legislativo 1091/1988, do 23 de setembro.

Artigo 3. *Autorización para amplia-lo crédito extraordinario.*

Autorízase o ministro de Facenda a amplia-lo crédito que se concede, na cantidade necesaria para aboa-lo exceso de xuros que se produzan ata a data en que se realice o pagamento.

Disposición derradeira única. *Entrada en vigor.*

Esta lei entrará en vigor o día seguinte ó da súa publicación no «Boletín Oficial del Estado».

Por tanto,

Mando a tódolos españois, particulares e autoridades, que cumpran e fagan cumprir esta lei.

Madrid, 24 de abril de 2002.

JUAN CARLOS R.

O presidente do Goberno,
JOSÉ MARÍA AZNAR LÓPEZ

MINISTERIO DE AGRICULTURA, PESCA E ALIMENTACIÓN

8129 *REAL DECRETO 329/2002, do 5 de abril, polo que se aproba o Plan Nacional de Regadíos.* («BOE» 101, do 27-4-2002.)

As condicións climáticas dunha gran parte do territorio nacional caracterízanse pola escaseza, variabilidade e irregularidades das precipitacións que condicionan os rendementos da produción e a obtención de colleitas económicas e seguras. Por outra parte, a contribución dos regadíos ó valor da produción final agraria, á produtividade e competitividade das explotacións, ó emprego directo e na agroindustria, á balanza comercial agraria e á ocupación do territorio, son decisivos para a economía agraria e a vida rural.

Por iso, as políticas públicas en materia de regadíos foron e continúan sendo políticas necesarias para a agricultura española.

No momento presente, a planificación destas políticas públicas deben encadrarse na xa culminada planificación hidrolóxica, na asunción polas comunidades autónomas de competencias relacionadas cos regadíos e na Política Agraria Común da Unión Europea. O mesmo tempo, deben adaptarse ás actuais realidades económicas e sociais, para facer compatible a necesidade de que a nosa agricultura sexa competitiva nuns mercados alimentarios globalizados coas novas sensibilidades respecto do ambiente, e, en particular, da xestión racional dos recursos hídricos.

Por todo iso, a planificación dos regadíos debe responder a novas orientacións, tanto nos obxectivos e prioridades como na execución e corresponsabilidade das actuacións.

O estado das infraestructuras dos actuais regadíos aconsella establecer unhas prioridades nas actuacións para a súa mellora, modernización e consolidación, en especial as dirixidas a racionaliza-lo uso da auga.

Nesta planificación non se considera conveniente iniciar novas transformacións de grandes zonas regables, e as perspectivas de crecemento das producións e os mercados aplícanse preferentemente ás zonas nas que a súa transformación se está executando actualmente.

Nembargantes, o anterior non exclúe o interese social da transformación en regadío de pequenas áreas de zonas rurais desfavorecidas ou en declive.

A execución das actuacións será compartida e coordinada entre as distintas administracións públicas con competencia en materia de regadíos. Esta planificación sectorial asegura a coordinación entre o Ministerio de Agricultura, Pesca e Alimentación e as comunidades autónomas, que acordan obxectivos territoriais e conveñen actuacións.

Finalmente, as novas orientacións reforzan a corresponsabilidade dos regantes nas actuacións de mellora, modernización e consolidación dos seus regadíos.

Estas orientacións introducen un razoable equilibrio entre as funcións productivas, sociais e territoriais da agricultura de regadío de forma compatible coa provisión de bens públicos ambientais.

As actuacións e investimentos previstos no Plan Nacional de Regadíos incorporáronse nas medidas de xestión dos recursos hídricos dos programas operativos e de desenvolvemento rural, aprobados e cofinanciados pola Unión Europea para o período 2000-2006.

A elaboración e aprobación dun Plan Nacional de Regadíos polo Goberno da Nación fundaméntase no arti-